



御批通鑑輯覽

光緒己卯季春

重加校對無訛

皇祖

通鑑輯覽序
都察院善堂

編年之書莫備於

御批之資治通鑑綱目

蓋是書集三編為一部

自三皇以至元末明初

振綱挈目謹予嚴窠足

行世不文金車
以昭萬世法戒為人君
者不可不日手其帙而
心其義也然

皇祖雖嘗扶精激微辭旨著

論百餘首尔惟析疑正
陋垂教後世耳於其書

則一仍厥舊無所筆削也故全書篇幅雖多而議論乃什倍於事實即如前編之中總論史論音釋辨疑考證紛不一家正編之中凡例發明

書法考異集覽考證正
誤質實濫觴益甚至於
續編之作成於有明諸
臣其時周禮沿尹起莘
例作彘明而廣義則出
於張時泰效劉友益書

法而為之者夫黷明書
法其於歷朝興革正統
偏安之際已不能得執
中之論而况效而為之
者哉且以本朝之臣而
紀其開國之事自不能

不右本朝而左滕國此
六理之常也况三編中
嬪代崛起之際稱太祖
而繫以我者不一而足
亦非體例也故命儒臣
纂歷代通鑑輯覽一書


盡去歷朝臣各私其君
之習而歸之正自隆古
以至本朝四千五百五
十九年事實編為一部
全書於凡正統備安天
命人心繫屬存亡必公

必平惟嚴惟謹而無所
容心曲徇於其間觀是
書者凜天命之無常知
統系之應守則所以教
萬世之為君者即所以
教萬世之為臣者也書

皇祖之例自述所見掾事以
中批論一依

書者十之三儒臣擬批
者十之七而經筆削塗
乙者七之五即用其語
弗點竄者亦七之二云

乾隆丁亥秋月御筆



皇

Faint bleed-through text from the reverse side of the page, including characters like '壽', '自', '出', '林', '論', '一', '依'.

御批歷代通鑑輯覽告成進

呈表

大學士公臣傅恆等奉

勅編纂

御批歷代通鑑輯覽告成謹奉

表上

進者臣恆等誠惶誠恐稽首頓首

上言欽惟我

皇上

法古綏猷

右文成化

稽帝堯而稽帝舜考禮樂以等百世之王

監有夏而監有殷秉權衡以定一中之統刊歷代廿二
家之史文訂差訛紀勝國三百載之書編沿正續廣
修明於舊典取鑒無遺闡義例於微言折衷有待惟
作者之謂聖體則史而義則經洵

煥乎其有文指以千而言以萬成編既定

至教斯垂原夫在昔有邦若時稽古因文見義用布訓於
丹青比事屬辭咸取裁於筆削蓋史使其記必明取
舍之宜而鑑監於前實具是非之迹至編年以定體
尤提要而徵文涑水之表歲系時哀輯實原於漢紀
紫陽之列綱分目指歸悉本於魯書洎遞嬗夫元明

亦間沿爲著述然而年芟益部不同習氏之存劉系
黜房陵莫問昭公之在晉合書地書人以表例柄鑿
恆多繫歲陽歲陰以表名盾矛不免雖糾唐有作文
人之習相沿而譏訕無庸史法之傳漸失乃在前明
中葉復有纂要一書略具規模倍多踏駁魯魚錯見
沿故牘之乖譌臧否失宜任詹言之蕪漏當發函於
幾暇欲訂毫釐因付館以編摩載陳圭臬纂排數載會萃
羣書授青簡而

肇錫嘉名

御丹毫而時抒精義溯自分編以論次逮茲削藁而觀成
凡條目之攸紛幸

睿裁之悉稟

闡特標之論覺管窺蠡測而無由

垂刪定之文實壤溥流涓之莫助承素玉而纘彝典說明
則道自可行仰

聖祖而紹前聞揆一則心無不合昭其經法大旨備而悉奉
指南示以變通舊例繁而不皆從朔大用策而小用
牘若網在綱國爲緯而年爲經咸指諸掌審是非而
繩懸悉準具首尾而囊括無餘紀載之例綦嚴宜事
增而文省見聞之辭各異故遠略而近詳或分注以
備言特書與附書並列或後經以終義事本與事末
兼該披月竊之輿圖悉河判重源之實考星經之次